

	Сторона.
Сідили сой два голубы	20
Там на горі на горбочку	60
Танцювала ріпа з маком	62
Тпруци-тпруци телята	61
Ты моя родино	52
Там по ниже селечка II.	41
Там на горі сигота	41
Тече вода з под явора	23
Там на горі, зимный вітер дуе	27
Там на горі два дубы	28
Там под гаєм зелененьким	33
Там за нашом хыжом	8
Тече вода з явора	57
Танец Мариянки	57
Уж ем поорал	34
Ци я в лузі не калином цвила	7
Чорна вовна на білом баранку	7
Червена ружа трояка	33
Чыеж то полечко	37
Чогож мене головонька болит	38
Червене яблочко в кишени мам	44
Чом ваше окенко III.	54
Штыри волы в ярмі II.	53
Я до леса не пойду	43
Як я ишла вчера вечер	47
Я в неділю рад	18
Як я ишол от своей миленькой	11
Як я ишол през ліс, през ліщыну	22
Як я ишол поза гумен	11
Який я несчастный	16
Я паробок з Капушан	31
Я сой хлопец справедливый	34
Я сой хлопец газдовский	40
Як я ишол през тот лес I.	41

БИБЛИОТЕКА ЛЕМКО-СОЮЗА, Ч. 12

# ЛЕМКОВСКИ НАРОДНЫ СПІВАНКЫ



Собрал  
СЫН ЛЕМКА



ТИПОГРАФИЯ ЛЕМКО-СОЮЗА

2490 Professor Street, Cleveland, Ohio.

1935

## ОТ РЕДАКЦИИ

В той книжечці собрани нашы Народны Лемковскы Співанкы.

Сборник тых народных співанок не ест полным, так як в каждом повіті, а навет и в каждом селі співаються иншы, або хоц и тоты самы співанкы, но на отмінны голоса. Штобы мати полный сбор тых наших народных співанок, треба большого сближеня наших краянов из всіх повітов Лемковины як польской, так и чехословацкой стороны. Такое сближение дае нам только народна організація Лемко-Союз, и мы надіемяся, што с прогрессом культурно-просвітительной работы той нашей організації, Лемко-Союз буде старатися издати больше полный сборник, а с часом издати и сборник співанок под их оригинальныма нотами.

Того сборника напечатано только ограничене число, дятого старайтесь набыти собі завчасу, штобы для вас потом не бракло, а тым самым поможете и культурно-просвітительной работі нашей організації Лемко-Союза.

СЫН ЛЕМКА.



## ЛЕМКОВСКИ НАРОДНЫ СПІВАНКЫ

### Братя Лемкы

Братя лемкы, русскы діти Вшиткы в Союз ставайме! И матери Лемковині, Загибати не дайме!	Не думайте собі паны, Же то можна зробити, Бо мы лемкы, барз завзяты, Трудно нам порадити.
Загибае наша мати, Родная Лемковина, Бо ей гнете польска шляхта, Тай и ческа панщина.	Уж ся Лемкы зо всіх партій, Стали соединяти, Штобы могли вражым панам Свою пясть показати.
Хотят паны Лемковину Для себе присвоити, Хотят они русскых лемков, Всіх вынародовити.	Уж там лемкы в Америкі Свой Союз заложыли, Штобы свою родиноньку Всі разом боронили.
	Не турбуйся Лемковино, Же мы о Тя не дбае, Ты сой таку думку думай, Же Тя врагам не даме.

### За Горами За Лісами

За горами, за лісами Буйный вітер віе, Там тихонько, богобойно, Бідный Руснак жые . . .	Каву вино руснак не пье, Того он не знае, А водичком из поточка, Жажду утоляє.
Тисячы літ он там жые У горах Карпатах, Не завидит он никому В богатых палатах.	Пшеничного ни житнього Хліба он не просит, Ячмень, овес кормит его И того не досит.

Літо мине, зима приде,  
Он все переносит  
И о ліпший час и долю  
Всеvyšняго просит.

От колыскы аж до гроба,  
Всегда трудно живе,  
Все выдержит, бо здорова,  
Русска кров в нем плыве.

А мы тут у Америкі,  
У свободной страні,  
Ніт работы, ніт охоты,  
Ни цента в кармані.

Капиталы все связали,  
До своего міха,  
Народ ходит, голодуе,  
И така потіха.



СПІВАНКЫ ВЕСІЛЬНЫ  
На Весілю

Заграйте мні гуслі, заграйте мні басы,  
Най сой вытанцюю свои млади часы.

Заграй мні музыка, на цілого смька,  
А я ти заплачу, як продам коника.

За яречком коні, ктож мні поїде по ні,  
Самому ся не хце, милой не мам еше.

Шугаю малюцкій, воз ты мя на ручки,  
З ручок на коліна, буду твоя жена.

Ой боже мой боже, таку мам мамичку,  
Што мня за муж дали, таку невеличку.

Корову не здою, бо хвоста ся бою,  
Хыжу не замету — митлу не занесу.

## Пойдеме Мы На Ловы

Пойдеме мы на ловы, на ловы  
Товаришу мой,  
Ой на ловы на ловы, до зеленой дубровы  
Товаришу мой.

Але ти там заяц, заяц,  
Товаришу мой,  
Лем ты з хортом поволи, та заяця догониш  
Товаришу мой.

Але ти там серна, серна,  
Товаришу мой,  
Лем ты з хортом поволи, та ты серну догониш  
Товаришу мой.

Але ти там соболь, соболь,  
Товаришу мой,  
Лем ты з хортом поволи, та соболя догониш  
Товаришу мой.

Але ти там панна, панна,  
Товаришу мой,  
Лем ты з хортом поволи, та ты панну догониш  
Товаришу мой.

Будемся ділити, ділити  
Товаришу мой,  
Тобі заяц и серна, а мні соболь и панна  
Товаришу мой.

Як ти буде кривда, кривда,  
Товаришу мой,  
Тобі вшытка звірина, мні надобна дівчына  
Товаришу мой.

## Рубал Ём Чатину

Рубал ём чатину (2) овечкам на зиму, (2)  
Рубал я цілый день — овечкам на тыждень,

Уж тоту чатину—овцы обераяют,  
Уж мою миленьку—за муж выдавають.  
Кед ей выдавають—и я пойду за ньом,  
Будуся призерал, ци ест вельком паньом.  
Сідит за столичком—меже друженьками,  
Протерат сой очка—гусіма перками.  
Хоц быс протерала—едвабном хусточком,  
Былас уж не будеш—мойом фраеречком.

### А Ци Ты Дівчыно Найкрасша?

А циж ты дівчыно найкрасша? Циж то тому правда могла быц  
Же при тобі нашли югаса! Жебы йому дали сто палиц,  
Ой нашли го нашли в причовку Чом бы тому правда не была,  
Вычубили его за чивку. Коль го моя ручка побила.

А циж ты дівчыно найкрасша? Не кашли дівчатко, не кашли,  
Же при тобі нашли югаса! Жебы мя при тобі не нашли,  
Ой нашли го нашли в коморі. Бо як мя при тобі почуют,  
Дали му сто палиц на дворі. Возмут мні капелюх и чугу.

Возмут мні капелюх с перами,  
И красну хусточку с квітами,  
И тебе тыж дівчыно и тебе,  
Штож я буду робил без тебе.

### Было Не Рубати

Было не рубати зеленого дуба,  
Было мя не брати, колим ти не любя,  
Ой мати, мати калиновый цвіт,  
А уж ты мні завязала,  
За нелюбом світ.

Ой мати, мати, мати час, (2)  
Мене за муж дати час, (2)  
Мене меже людей,  
Може мені легче буде.

Было не стинати зелену калину,  
Было мя не брати молоду дівчыну,  
Ой мати, мати калиновый цвіт,  
А уж ты мні завязала,  
За нелюбом світ.

Ой мати и т. д.

Было не копати под порогом ямы,  
Было мя не брати от няня от мамы,  
Ой мати, мати калиновый цвіт,  
А уж ты мні завязала,  
За нелюбом світ.

Ой мати и т. д.

### Ци Я В Лузі Не Калином Цвила

Ци я в лузі не калином цвила,  
Циж я в лузі не червена была,  
Взяли мене поламали,  
И галузя повязали,  
Такаж доля, така моя! (2)

Циж я в мамы не едина была,  
Циж я в няня не любима была,  
Взяли мене повінчали,  
И світ мені завязали,  
Такаж доля, така доля моя!

Ци не ліпше было ся втопити,  
Ци красшого хоц в сні полюбити?  
Были річки повсыхали,  
Были красшы півмерали,  
Такаж доля, така доля моя.

### Чорна Вовна На Білом Баранку

Чорна вовна на білом баранку,  
Гдеж ты идеш, гдеж ты идеш,  
Малюваный Янку?  
Не далеко, до сусіда тестя,

Тесту-тесту, тесту-тесту,  
По младу невесту.  
Повідали же мні ей не дадут,  
Дадут-дадут, дадут-дадут,  
Ищы выпроводят.  
Дадут мні там дівча чорноброве,  
Дадут мні з ньом, дадут мні з ньом,  
Волю и коровы.  
Дадут мні з ньом и коника в сідлі,  
Што там стоить, што там стоить,  
По коліна в срібрі.  
Дадут мні з ньом скриню малювану,  
Дадут мні ей, дадут мні ей,  
Дівчыну кохану.

#### Там За Нашом Хыжом

Там за нашом хыжом,  
Ест зелена грушка,  
Похылила ся ей (2)  
Зелена галузка.  
Галузь ся схилила,  
Вершок ся ей зломал,  
Парадний паробок  
С дівками в карты грал.

Як грали, так грали,  
Полягали спати,  
Прилетіл білий птах  
Почал их зганяти.

Вставай Ганцьо гори,  
Дост ты ся выспала,  
Бо уж твой віночок  
Быстра вода взяла.

Як она го взяла,  
Та най сой го несе,

Она мні го зопре  
В калиновом лесе.  
В калиновом лесе.  
Вода древко несе,  
Сідит на нем дівча  
Дробны власы чеше.

Чесала, чесала,  
Горенько плакала,  
Же уж свой віночок  
На картах програла.  
Ой вінку, мой вінку,  
С дробного барвінку,  
Як я тя тримала  
В скрині, в перескринку.

Не моглам я тебе,  
Долше затримати,  
Пришли добры люде  
Мусілам тя дати.

#### Гора, Гора Горувата

Гора, гора горувата,  
Моя мила волювата  
Гей я-я, гей-я-я, гея-гея,  
Моя мила волювата,  
Гей я-я, гей-я-я-я, гея-гея.  
Хоц бы мала и три воля,  
Бодай была мила моя  
Гей-я и т. д.  
Чорна гора родит попер,  
Чыя же я буду тепер,  
Гей-я и т. д.

Гей-я-гея, сама своя,  
Прид Яничку, буду твоя,  
Гей-я и т. д.  
Яничик-Яничик, не будь блазен,  
Не пропивай вшытко разом,  
Гей-я и т. д.  
Бо як пропьеш, не будеш мал,  
Прийде зима, будеш жебрал,  
Гей-я и т. д.

#### Никто Мні Не Винен, Сама Я

Никто мні не винен, сама я, сама я,  
Што я полюбила гультая, гультая.  
Гультай нич не робит, в корчмі пье,  
А приде домов, мене бье, мене бье.  
Але я на то нич не дбам, нич не дбам,  
Бо я у сусіда, погуляю, погуляю  
Бо в мого сусіда, гардый сын, гардый сын  
Сподабался мні, вражый сын, вражый сын.  
Бо в него очка—як тернок, як тернок,  
А бровы чорны—як шнурок, як шнурок.  
У него личка—хоц малюй, хоц малюй,  
А его гамбуся—лем цілуй, лем цілуй.

### Мамцьо Мамцьо,

Мамцьо-мамцьо, мамичко моя, (2)

Купте вы мні периночку,

Най ся выдам того рочку.

Мамцьо-мамцьо, мамичко моя.

Дівусь-дівусь, дівочко моя,

А ищы ты не доросла,

Жебы ты уж замуж пошла,

Дівусь-дівусь, дівочко моя.

Мамусь-мамцьо, мамичко моя,

Лем вы на то нич не дбайце,

А мене уж замуж дайте,

Мамусь-мамусь, мамичко моя.

Дівусь-дівко, дівочко моя,

Треба скринкы и до скринкы,

Заголовков и перинку,

Дівусь-дівко, дівочко моя.

Мамо-мамцьо, мамичко моя,

Ліпше з мужом на камени,

А як з вами на постели,

Мамо-мамцьо, мамичко моя.

Дівусь-дівко, дівочко моя,

Больше будеш киом бита,

Як при мужи хліба сыта,

Дівусь-дівко, дівочко моя.

Мамусь-мамцьо, мамичко моя,

Нич вы нато — нич не гварте,

Лем вы мене замуж дайте,

Мамусь-мамусь, мамичко моя.

Мамо-мамцьо, мамичко моя,

Ліпше з мужом под тернином,

Як з мамичком под перином,

Мамо-мамцьо, мамичко моя.

### Як Я Ишол От Свойой Миленькой

Як я ишол от свойой миленькой, (2)

Світил місяц високо,

Она на мяя окном позерала, (2)

Ци я ушол далеко.

Ой ушол я штыри милі поля,

Она на мяя волала,

Навернися мой милый-миленький —

Чым я тебе згнівала?

Згнівалас мяя сама не знаш чого,

А был я там под твоим окенком,

Мала ты там иншого.

Ой не малам любый мой козаچه,

Ой никогом не мала,

Он мяя просил цвіток з розмари,

Я му лем го подала.

Не тра было любая дівчыно,

Цвітку ему давати,

Не тра было милая дівчыно,

По трох нараз кохати.

### Як Я Ишол Поза Гумен

Як я ишол поза гумен,

Ищы не был день,

Встритил я там шварне дівча,

Што пололо лен.

Гей-же гой-же, милый боже,

Мушиш моя быц,

Штож ти по мні, мой милень-

Кед не знам робиц.

Ест там, ест там березина,

Попред нашы врата,

Научу я тя моя мила,

Всякой роботы.

А ищы ты мой миленький,

Не маш до мяя нич,

А уж ся мяя обіцуеш,

Березином биц.

А чом же ты мой миленький,

Чом ты не ореш?

Ци ти волю звывставали,

Ци сам не можеш?

Орал бы я мила моя,  
Орал бым то я,  
Жебы ты мні поганяла,  
На убочы потримала,  
Волів бым то я.

А я тебе мила не хцу,  
Брудны ножкы маш,  
А я тебе милый не хцу,  
Бо ты в карты граш.

А скочу я до Дунаю,  
Умыю ноги,  
А ты програв три тысячы,  
Будеш убогий.

А у мене три тысячы,  
Были не были,  
Ты голову не чесала,  
Штыри неділі.

Не дозерай мой миленький,  
Мойой головы,

Запрягай ты штыри коні,  
Иди до вдовы.

Там на горі при дубині,  
Муруваний двор,  
А в том дворі каменця,  
Осідланий конь.

Под тым коньом,  
Біла нога, срібрна подкова,  
Котре дівча мня полюбит,  
То буде моя.

Чого плачеш, чом нарічеш,  
Чого тобі жаль?  
Того вінка зеленого, (2)  
Што ты мні го взял!

Чом жес тогды не плакала,  
Як я ти го брал?

Я мыслила, я гадала (2)  
Же ты жартувал!

### Весільны Співанкы

Выберайся сыну в счасливу годину,  
По гарду дівчыну, по добру газдыню.

До миленькой блато, я нич не дбам на то,  
Переложу дручкы, преїду помалючкы.

Засвіт мила свічку, най перейду річку,  
Засвіт мила зо дві, най перейду к тобі.

Отвор мила отвор, бом ту давно не был,  
Бо я твои двери, отверяти забыл.

Отвор-же мні мила малюваны врата,  
Жебым сой не зломил перечко зо злата.

Бо як бым сой зломил одну галузочку,  
То быс уж не была мойом фраеречком.

Ищымся не думал в том рочку женити,  
Мусілас мні мила штоси поробити.

Пусте же нас пусте, або нам отворте,  
Бо ся погніваме, тай ся повертаме.

Не старайся млада, же не знаш хліб печи,  
Напече ти Петро, дост помеже плечы.

Шкода тя дівчатко, шкода тя — шкода тя,  
Ей бо тот твой младый, не для тя — не для тя.

Шкода тя дівчатко, шкода тя за него,  
Гуня пожычана, холошні не его.

Не старайся дівусь, он добри газдуе,  
Ани одну ночку, дома не ночуе.

Смот-же ты дівчатко, на тот свой віночок,  
Як ся ти трепоче, доеден листочок.

А ци ты дівчатко каменне сердце маш?  
Же за своим вінком заплакати не знаш.

Ой вінку мой вінку з дробного барвінку,  
Як я тя тримала в скрині перескринку.

Не могла я тебе долше затримати,  
Пришли добры люде мусілам тя дати.

Пані млада наша, поимала пташа,  
Поимала двое, чубаты обоє.

Выберайся млада, выберайся з нами,  
Тоты свои злости прилож каменями.

Мы тото дівчатко при собі ховали,  
Але мы о злости ниякой не знали.

Позерай ты млада з долы до повалы,  
Жебы твои діти чорны очы мали.

Посмот ты дівчатко на тоты клиночкы,  
Кадиль ты вшала, свои паціурочкы.

Треба-бы нам треба стольця шырокого,  
Бо наша молода роду великого!

Роду великого, стану малженского,  
Треба-бы нам треба стольця шырокого!  
До стольця сідати, мамусі не мати,  
Придте мамцьо з неба, бо вас гнес ту треба!  
Треба-бы нам треба, барылочку вина,  
Жебы ся нам зошла до стольця родина!  
Не плач млада не плач, не бере тя смаркач,  
Бере тя особа, красна як ягода.

Будте мні здоровы мои товаришкы,  
Не буду ходила з вами на орішкы.  
Ани на орішкы, ани на ягоди,  
Будте мні здоровы дівчата молоды.

Будте мні здоровы, вы мои пороги,  
Кадиль ходжували мои білы ногы.  
Будте мні здоровы горы и долины,  
Бо я ся выбирам от своей родины!

Як я отталь пойду, комуси жаль буде,  
Заплаче сой за мною не скоро му буде.

Яничку сердечко, гдес поділ перечко?  
Ишол я през воду впало мні до споду!  
Доставай — доставай правом ручком до дна,  
То ты го достанеш, кед го будеш годна.

Дівчатко квіточок, гдес діла віночок?  
Ходилам ся мыти, впал мні на ярочок!

А тепер я мушу во вік банувати,  
Што я го не знала ліпше шанувати.

Бийас мня мамичко, опаленым жийом,  
Жебым не смотрила, за войтовым сыном.  
Хоц-быс мня мамичко в день и в нocy была,  
Та я и так буду шугая любила.

Дякую няньови и своей мамонці,  
Же я свой віночок лишыла в церковці.  
Як ем присягала, аж мні ногы стерпли,  
Же тя не опушу миленкий до смерти.

Тішытся родина, вшыткых ем втішыла,  
Жем своим родичам ганьбы не зробила.  
Не вір паробкови, хоц он ся ти божыт,  
Покаль ти на престол два пальцы не зложыт.

Пусте же нас пусте, бо гев нас не дуже,  
Полтора-ста сватов, дванатцет гудаков!

Пусте же нас пусте, або нам отворте!  
Най ту не стоиме; на вашом подворци!

Пусте же нас пусте, хоц лем над челюсти,  
Мы от вас пойдеме, лем ся загіемер!

Не будеме істи, не будеме пити,  
Покаль нам не дате, по што мы ту пришли.  
Не будеме пити тоту сливовицю,  
Покаль нам не дате нашу молодицю.

До шлюбу лем едно, а зо шлюбу двое,  
Призри ся мамичко, ци твои обоє?

Ой дали сте дали шугайови жену,  
А тепер нам дайте, курочку печену.

Курочку печену, барана цілого,  
Та ся забавиме, аж до дня білого.

Уж-ем ся оженил, уж буду свою мал,  
Уж я вас не буду, дівчата любувал.

2

Чепте же ей чепте, до нового чепця,  
Жебы мала ищы, того року хлопця!

Не дай собі дівча, вінок з главы зняти,  
Бо будеш ты за ним долго банувати.

Така наша пані-млада, Зробили-сме з дівкы-жену,  
Як на ярку быстра вода, Ведеме ей зачеплену.

Така она весела, Не далеко лем за воду,  
Як-бы мала три села. Поведеме нашу младу,

Идеме мы з коморечкы Заголовкы и перину,  
Даите же нам палюночкы И пінязи повну скриню.



На зеленой пасіці,  
Розмарія квітне.

А чыеж-то дівчатко?  
В коморі завите?

А хто же го завивал?  
Кто за ним банувал?

А ищы бы банувал,  
Але уж го достал.

Там за нашом хыжом купа сіна,  
Вчера была дівка, гнеска жена!

Вчера была дівка зачесана,  
А гнеска невіста зачеплена!

Вчера была дівка под віночком,  
А гнеска ест жена под чепечком!

Ой не плач не плач наше коханя,  
Бо ти не поможе твое плаканя,  
Бо ти твой плач не поможе,  
А коники стоят в возі позапряганы.

Подме-же мы подме, бо мы не зайдеме,  
Темна ночка зайде, где преночуеме?

Идеме — идеме, дражку не знаеме,  
Добры люде знают, та нам повідают.

Идеме — идеме, з горы до долины,  
Идеме глядати той новой родины.

Панове — сватове, поволи стріляйте,  
Соломяне місто, лем го не запальте.

Як го запалите, та го заплатите,  
А нашу молоду, любити мусите!

Отверай мамичко двери до світлиці,  
Бо мы ти ведеме добру работницю.

Чого жес ту пришла, и чогос сой сіла?  
Ты ту не робила, што же будеш іла?

Дружба я сой дружба, бідна моя служба,  
Три дни-м овес косил, дружбити-мся просил.

Дружба я сой дружба, цілому весілю,  
Тримайте мя дружкы, бо ся вам отелю.

Была-бы з мя была премилена свашка,  
Кебы мні стояла передомном фляшка.  
Была-бы з мя была свашка премилена,  
Кебы мні стояла згоривка варена.  
Гусочка печена, згоривка варена,  
Была-бы з мя была, свашка премилена.

Пришли нам ту приданяне,  
Штож мы им ту істи даме,  
Нарубаме дробных трісок,  
Накладеме на сім мисок.

Пришли нам ту приданяне,  
Штож мы им ту істи даме,  
Заріжеме им барана,  
Най ся гостят аж до рана.

Танцували сватове,  
Вшиткы новобранці,  
Тепер собі погуляют,  
Панове приданці.

#### СПІВАНКЫ НА ЗАБАВАХ И В ТОВАРИСТВІ

##### Днеска Гоя, Заран Гоя

Днеска гоя — заран гоя,  
Не бий же мя мамцьо моя.  
Най я собі погуляю, (2)  
Як рыбонька по Дунаю. (2)

Жебы не я, жебы не ты,  
Та бы коник воду не пил,  
Але же я рано встаю,  
Коникови воды даю.

А штож тота за водичка,  
Чорны очка, білы личка.  
Штыри волы, столько значат,  
Як тот грайцар, што ся качат  
Грайцар стратит, не найдеся  
Наша любов розойдеся.

Біда, біда, нич не маме,  
Лем на себе позераме,  
Ліпшы нашы два позоры,  
Як дачыи штыри волы.

##### Недалеко Млина

Недалеко млина, стала ся новина,  
Счарувала дівчынонька, богацкого сына.  
Як она го чарувала, кликала до хаты,  
Прийди, прийди мой миленький штоси ти мам дати.

А пришол он до ей хаты, добрый день желае,  
А она му до погара, вина наливае.

До одного вина, до другого пива,  
Пийже-пийже мой миленький, бо я уж выпила.

Пий же ты з едного, я буду з другого.  
А можес ты наварила, трутизны до него.

Хибаль бым я глупа была,  
Розуму не мала,

Жебым свому миленькому,  
Трутизну давала.

Пришол Ванцьо до домоньку, сіл сой коло стола,  
Мати ся го запытала, гдес был сыну вчера?

А был я там у Марисі, в Марисіной хаті,  
Дала мені погар вина, мушу умирати.

Ушый ты мні, мамусь моя, білую сорочку,  
Не проклинай мамцьо моя, мою фраеречку.

### Я В Неділю

Я в неділю рад паленьку пию,  
В понеділок зас ся ей сподію,  
Во второк райцюю, (2)  
Ищы собі при гудачку танцюю. (2)

В середу треба домов пойти,  
А в четверг бы дашто зробити,  
В пятницю, в субботу,  
Треба собі зрахувати роботу.

А пришла зас свята неділенька,  
Пиля бы ся знова палюнонька,  
И то так з дня на день,  
Пиля бы ся палюнечка каждый день.

### Який Я Несчастный

Який я несчастный на то світ родился,  
Такий світ шырокий, а я не женился,

А я на то нич не дбаю, (2)  
Чужы женкы я кохаю,

Для своей выгоды,  
Сердцю охолоды.

Ой не раз я не два, через плоты лазил,  
Ой не раз и не два свое жытя зважыл,

Нераз мене псами шули, (2)  
Кади-тадиль доганяли,

Як были-б зловили,  
Як собаку-б били.

Ой нераз я не два до хаты вкрадался,  
Ой нераз я не два под постель сховался,

Ой не раз я слухаючы,  
Як то жена мужа учыт,

Иди мужу с хаты  
До стодолы спати.

Ой не раз я не два загріл свои плечы,  
Носячы до милой розмаиты речы,

Носил — сыр, носил — сало,  
Носил и мак, покаль стало,

А тепер не знаю,  
Што робити маю.

Ой стану я собі тай зачну думати,  
Штобы своим річам пропасти не дати,

Штобы мой мак, не пошол так,  
Мое сало не пропало,

А сыр подарую,  
Тай сам повандрую.

### Грают Бубнують

Грают, бубнують, (2) Там буду воював,  
А мы ищы пиеме, (2) Свою кров проливав,  
Мам я фразеречку, За вас дівчата.  
В цисарском домичку, (2) Отпала мні шабличка,  
Добри о ней знам. (2) От лівого бочечка,  
Добри я о ней знам, Под мні подай мила,  
Покаль я ей в ручках мам, Кед-ес справедлива,  
Як ей з ручок пуцу, Горе на коня.  
Домов ся поврачу, Я бым ти ей подала,  
Помож боже сам. Жебым ся не бояла,  
Подам ти шабличку,  
Помож боже на небі, Зотнеш мні главичку,  
Бо я иду ку тобі, Ганьба бы была.  
Днеска коня кую, Ганьба бы была,  
Заран машерую, Отцу а и матери,  
До Тарнополя. Же мня єдну мали,  
За муж мня не дали,  
З Тарнополя до Турка, Ганьба бы была.  
З Турка до Францен-бурга.

### Сідили Сои Два Голубы

Сідили сои два голубы, Тай своего миленького,  
Моргали на себе, Ей к собі пригортає.  
Прийди (2) младый хлопче(2) Пришол старый, бородатый,  
Ей звечера до мене (2). Рученьками трепле,  
Придьже(2) младый хлопче. Кыйсы параль в лужку лежал,  
Хоц лем на годину, Ей ищы лужко тепле.  
А я свого старенького, А ты старый, бородатый,  
Ей вышлю на калину. Не вчий ся брехати,  
Пошол старый, бородатый, Коль єс виділ и послідил,  
Калину ламати, Ей было поімати.  
А она сои уж провадит, А ты старый, бородатый,  
Ей с коморы до хаты. А я собі пышна,  
Сіли собі за столиком, Гдеж я свои очы діла,  
Курку огрызают, Ей же я за тя пошла.

### Ой Под Гаєм Зелененькым

Ой под гаєм зелененькым,  
Брала вдова лем дробненький,  
Брала, брала выберада,  
Тай так собі заспівала:  
“Ой кобым я мужа мала,  
Я бым його шанувала,  
В кармазины уберала,  
Медом, вином наповала.” —  
Там по ниже Василь косил,  
Вітер голос там доносил,  
Шмарил косу до травонькы,  
А сам пошол до домоньку.  
“Позволь мати вдову взяти,  
Вдова буде шанувати,  
В кармазины уберати,  
Медом, вином наповати.” —  
“Не позволю вдову взяти,  
Вдова знає чарувати,  
Счарувала мужа свого,  
Змарніє тя молодого.”

### През Зелене Жытко, Вола Тече

През зелене жытко вода тече,  
Штож мні моя мила,  
Моя наймиленьша, на то рече?  
Хоцбы она рекла, не боюся,  
Гусаре вербуют,  
Хлопцы машеруют, звербуюся.  
Ищы кошуленька не выпрана,  
А уж моя мила,  
Моя наймиленьша, отобрана,  
Хто си ей отобрал, най си ей мат,  
Най сои ей предомном,  
Най сои ей предомном, не обнимат.

Най сой ей обнимат, але в ночы,  
Жебы не виділи,  
Жебы не виділи мои очы.

Бо як ей увидят мои очы,  
Будут они плакац,  
Я буду жалувац в день и вночы.

### Як Я Ишол През Ліс, През Ліщину

Як я ишол, през ліс, през ліщину,  
Встріл я там молоду дівчину. (2)

Ты дівчино, личка румяного,  
Переночуй мене молодого.

Я бым тебе переночувала,  
Жебы я ся зрады не бояла.

Не бой ты ся зраджыня мойого,  
Не зрадил я на світі нікого.

Ани мой конь стайню не престоит,  
Ани моя зброя клинков не поломит.

Лег сой жовнір, спит сой молоденький,  
Пробудился уж был день біленкий.

Ты дівчино, велика зрадлива,  
Чом ты мене перше не збудила.

Я бым тебе перше збудила,  
Коли я тя вірно полюбила.

### Ой Мы Яко Мы

Ой мы яко мы,  
Але наш поп лысый,  
Запреме го до коморы,  
Буде лапав мышы.

Єст там с чым погуляти  
Єст ся чого тримати.

Ой мы яко мы,  
На дівчата лакомы,

А у нашой попаді  
Три кутласы на заді,  
Хотят быти женами.

### Ой Погнало Дівчатовько

Ой погнало дівчатовько,  
Ягнятовька в поле, (2)  
Тай стратило дівчатовько, (2)  
Ягнятовька двоє. (2)

Ци позволиш дівчиновько,  
Ци позволиш голубовько,  
Трошка жартувати?

А пойду я гукаючы,  
Ягнятовька шукаючы,  
А ци я их знайду?  
До дому прижену?

А як они жартували,  
Стало вечерити,  
Час до дому ийти.

Ой встритило дівчатовько,  
Пана молодого,  
Дуже хорошого.

Пропал баран и ягниця,  
Я зостала молодиця,  
В гаю зелененьким  
С паном молоденьким.

Ци-с не виділ мой пановьку,  
Ци-с не виділ голубовьку,  
Ягнятовька мого,  
Або даякого?

А пишла я до домовьку,  
Стала мати бити,  
Ой ты дівко, ой ты суко,  
Штож ты учынила?

Ой не виділ дівчиновько,  
Ой не виділ голубовько,  
Ягнятовька твого,  
Ани дачыйого.

Нашто жес ты,  
З хлопом-попом  
В жарты заходила?

Вышли они на полянку,  
Ягняток глядати,  
Стали розмавляти.

Дармо тепер моя мамцьо,  
Бити, жалувати,  
Треба было свою доню  
Перше пильнувати.

### Тече Вода З Под Явора

Тече вода з под явора,  
Черпала ей мила моя,  
Начерпала поставила, (2)  
Розмариин намочыла. (2)

А з боры до долины,  
Попасу их дві години,  
На зеленой розмариин,  
Там где прийде по мя милый.

Мокни, мокни до осени,  
Ниж не прийде милый по мя,  
Прийде милый з штырми волю  
Зажену их до обору.

Наілися, напилися,  
Чыстой воды из туриса,  
Зимной воды турисовой,  
Зо скляночки кришталовой.

### А Там Коло Річки

А там коло річки, а там коло броду,  
Кличе младый шугай дівчатко по воду  
Не піду, не піду мой шугай по воду,  
Бо я молоденька, обмовы ся бою.  
Не бій ся дівчатко, не бій ся нічого,  
Шугай молоденький, не зробит нич злого.  
Дві ночкы не спала, на третю заснула,  
Шугай поціловав, дівчына не чула.  
Дівчынці снит ся, же горлиця бье ся,  
Шугай коло боку лежыт и сміе ся.  
На же ти дівчатко, два златы на мыло,  
Два златы на мыло, два златы на пиво.  
Мылом вымывайся, пивом напивайся,  
Жебы мама не знала, жес з шугайом спала.  
Мылом ся вмывала, пивом ся впивала,  
На шесту неділю мамичка познала.  
Дівко моя дівко, што ты наробила,  
Же ты всю родину во вік засмутила.  
Засмутила-м отца, засмутила-м матер,  
Засмутила-м того, што мене мал взяти.  
Не добре мні было косоньку чесати,  
То мі добре тепер дитя колысати.  
А тепер ты дівко ни жена, ни дівка,  
Лем ты моя дівко світова вандривка.  
Як бы-с была дівком, косу бы-с чесала,  
Як бы-с была женом, та бы-с мужа мала.

### Сама Я Ружу Садила

Сама я ружу садила,  
Сама я ружу поливала,  
Сама я сама, хлопця любила, (2)  
А тепер буду плакала. (2)

Ой ты мамичко премила,  
Чом же-с ты мене не била,  
Колиж ты добри виділа,  
Як я з фрайром сідила.

Ой вы дівчата за муж не ходте,  
Ой вы дівчата не в пору,  
Бо я молода за муж вышла,  
Тепер мня болит голова.  
Ту едно плаче, бо хоче істи,  
А друге плаче, бо хоче спати,  
А старый лежыт собі на лужку,  
Каже сой подати люльку.  
А я му люльку наладувала,  
З низкым уклоном подала,  
Тогды я тогды была щастлива,  
Закаль я мужа не мала.

### А Там Долов В Той Долні

А там долов, (2) в той долині, (2)  
Чорный гавран-чорный, (2)  
Воду пие, воду пие.  
Пие, пие, в вельком жалю.  
Же ма фраерочку,  
В чужом краю.  
Кто ей виділ, най мні повіст.  
Най мене серденько,  
Най не болит.  
Я ей виділ правым очком,  
Жала траву, жала,  
За поточком.  
Жала-жала, навязала,  
И на миленького,  
Заволала.

Милый-милый, з тамтой страны,

Подже на мня двигни,

Зайду травы.

Най ти двигат, отец и мать,

Кед мні тя не дали,

За жену взять.

Ой за жену, за женичку,

Порубать-посекать,

Твой главичку.

Отец бы дал, мати не даст,

Бо мні тя дівчатко,

В дома треба.

### Мам Я Красну Заградечку

Мам я красну заградечку и-ху-ха,

Мам я красну заградечку, парада-парада,

Што в ней росне фиялочка,

Цір—цір—цяра—да.

Фиялочка дробно сходит и т. п.

Моя мила ку мні ходит, и т. д.

Ходит, ходит до маштальни и т. п.

Меже штыри чорны коні и т. д.

Коні ся ей пострахали и т. п.

Мою милу подоптали и т. д.

Моя мила лежыт хвора, и т. п.

Треба ити по доктора, ит. д.

По доктора и по бабу и т. п.

Жебы дала даку раду и т. д.

Баба пришла раду дала и т. п.

Будеш мила колысала и т. д.

Идь мні бабо иди с очей и т. п.

Не спала я с милым в нocy и т. д.

Ани в нocy ани во дне и т. п.

Лем кусценька през полудне и т. д.

### Там На Горі Зимный Вітер Дуе

Там на горі зимный вітер дуе,

Там козачок пшениченьку сіе.

Пришла к нему надобна дівчына,

Што в зеленом гаю заблудила.

Ты козаче надобный гультаю,

Выпровад мня з зеленого гаю.

Як ты буду з того гаю вести,

Мушу я тя з дороженькы звести.

Можеш ты мня день и ноч водити,

Не дам ся ти з дороги зблудити.

А маю я коновечку меду,

А чей я тя з дороженькы звезду.

Сладкий медок в твоєй коновечці,

Ліпший розум в моєй головонці.

Ищы дівча тот медок не пило,

А уж оно з дороги зблудило.

### Гаєм Зелененьким Вода Тече

Гаєм зелененьким вода тече,

А на яворі соловей щибече,

Там дівчына мила,

Віночок увила з барвіночку.

Слезы проливала як го вила,

Увившы на воду го пустила,

Пльнь ты мой віночку,

Красный з барвіночку за миленьким.

Голос чути в гаю, в середині,

Аж сталося страшно той дівчині,

Узкою стежкою идут козаченькы,

На вороных.

Ой мои панове козаченькы

Повічте мні правду, где миленький?

Ци го порубали, ци живого взяли

У неволю?

### Там На Горі Два Дубы

Там на горі два дубы,  
Там на горі серденько, два дубы.  
Сідят на них голубы,  
Сідят на них серденько, голубы.  
Голосно сой гуркают,  
Голосно сой серденько, гуркают.  
А два хлопці слухають,  
А два хлопці серденько, слухають.  
Ой вы хлопці молодцы,  
Ой вы хлопці серденько, молодцы.  
Накажте вы дівочці,  
Накажте вы серденько, дівочці  
Най она ся не журит,  
Най она сой серденько не губит.  
Бо я поїду на войну,  
Та зостане серденько на біду.  
Як я буду воювац,  
Як я буду серденько, воювац.  
А ты будеш банувац,  
А ты будеш серденько, банувац.  
Як я буду гуляти,  
А ты будеш серденько плакати.  
А ты дівче пся-юхо,  
А ты дівче серденько, пся-юхо.  
Тримай коня за ухо,  
Тримай коня серденько, за ухо.  
Як же го мам тримати,  
Як же го мам серденько, тримати?  
Кед не хоче стояти,  
Кед не хоче пся-юха стояти.  
Треба коня чесати,  
Та он буде пся-юха стояти.

### А Там Долов Под Явором

А там долов под явором, (2) Заспівай ты, як співала,  
Оре дівча едным волом. (2) Колис сына колысала.  
И борозды не з'орала, А я йому не співала,  
Як ей мати закликала. Лем кухаркы наганяла.  
Ганцьо, Ганцьо под-же домов, Бо телятам нич не дали,  
Отдам я тя, не знам кому. Круту руту позгрызали.  
Отдам я тя гультайови, Крута рута красно стоит,  
Великому збуйникови. Гоже древко, аж ся двоит.  
В вечер поїде, рано приїде, А взяв он ей за рученьку,  
Все кровавий мечь принесе. Выпровадил за хыженьку.  
Уж ся Ганці наприкрило, За хыженьку в заградоньку,  
Болит сердце, бо не мило. И там стял ей головоньку.  
Кровавий мечь утерати, А голова отлетіла,  
З разбойником в домі жыти. Аж до сына полетіла.  
Стоял он раз за хыжою, Едно личко цілувала,  
Тай подслухал жены співу. А друге му покусала.

Наж ти сынку на памятку,  
Як ти отец убил матерку.

### Несчастлива Любов

Залюбился войтов сын, сюрляйтум,  
Отец не знал о ничом, сюрляйтум,  
Сюрляй, сюрляйтум, сюрляйтум,  
Сюрляйтитум, сюрляйтитум, сюрляйтум.

Хотіл он ся жени, сюрляйтум,  
Пошел няня просити, сюрляйтум,  
Сюрляй и т. д.

Позвольте вы мой няню, сюрляйтум,  
Взяти дівча за жену, сюрляйтум,  
Сюрляй и т. д.

Чекай сыну повідат, сюрляйтум,  
Дівка тебе не вартат, сюрляйтум,  
Сюрляй и т. д.

Она бідна-ничгодна, сюрляйтум,  
Зато тебе не годна, сюрляйтум,  
Сюрляй и т. д.

Найд сой сыну богату, сюрляйтум,  
Штобы мала дукаты, сюрляйтум,  
Сюрляй и т. д.

То нич няню, нич зато, сюрляйтум,  
Она добра-сирота, сюрляйтум,  
Сюрляй и т. д.

Буде добри робила, сюрляйтум,  
Буде мене любила, сюрляйтум,  
Сюрляй и т. д.

Буде добра газдыня, сюрляйтум,  
Лем оженте мене з ньом, сюрляйтум,  
Сюрляй и т. д.

Дай сой спокой ничгоде, сюрляйтум,  
Бо нич з того не буде, сюрляйтум,  
Сюрляй и т. д.

Волиш ся повісити, сюрляйтум,  
Ниж ся з бідном женити, сюрляйтум,  
Сюрляй и т. д.

Не мог сын уж стерпіти, сюрляйтум,  
Вірну любов забути, сюрляйтум,  
Сюрляй и т. д.

Найшол собі гыляку, сюрляйтум,  
Повісился на кряку, сюрляйтум,  
Сюрляй и т. д.

Повісился войтов сын, сюрляйтум,  
Отец дал му такой плян, сюрляйтум,  
Сюрляй и т. д.

### Я Паробок з Капушан

Я паробок з Капушан,  
Не мам жены, лем сой сам.

Ей нашто мні ест нашто, млада жена, (2)  
Кед я мам сам зо собом дост страпленя. (2)

Жені треба то и то,  
Сито, бердо, корыто.  
Ей нашто . . . и т. д.

Жені треба фартушок,  
На ей округлый бришок.  
Ей нашто . . . и т. д.

Жені треба пончошкы,  
На ей білы ножечкы.  
Ей нашто . . . и т. д.

Жені треба пацюркы,  
Я мам в кишнях дюркы.  
Ей нашто . . . и т. д.

### Высокий Брежек

Высокий брежек, быстра водичка,  
Напой мні мила, мого коничка,  
Я го не напою, бо я ся бою, (2)  
Бо я малючка. (2)

Бо твой коничек остро кованый,  
Подоптал бы мня подковечками,  
Я бым не выросла, за муж бым не вышла,  
Штож бым робила.

Ганьба бы была отцу, матери,  
Же мня одну мали,  
За муж не выдали,  
Ганьба бы была.



### Ой Отгаль Гора, А Там Другая

Ой отгаль гора, а там другая,  
Меже тьма гороньками ясная зоря. (2)

Я собі думал, же зоря зышла,  
А то моя наймиленьша по воду вышла.

Миленька моя! напой мні коня,  
Не напою сердце мое, ищым не твоя.

Як буду твоя, напою ти два,  
Зо студеной керниченькы, з нового ведра.

### Высокий Мосточок Погынаться

Высокий мосточок погынаться, (2)  
Росне на нем травка, не косится. (2)

Як бы я тот мосток арендував,  
Красно бы я його вытимбрував.

Червену ружычку на нем садил,  
Мушиш мя мой мила выпровадиц.

Выпроведилам-тя аж за місто,  
Несчастна та патруль, што мя нашла.

Ой нашла мя нашла и забрала,  
И на военочку одослала.

Як ся мні на войні зле поведе,  
Не буду нарікал, лем на тебе.

На тебе, на тебе, на твою мать,  
Бо мні тя не дала за женку взять.

За жену, за жену, за женичку,  
Порубать, посекачь твой главичку.

А як ся поліе кров червена,  
Про кого, про тебе возлюблена.

### Там Под Гаєм Зелененьким

Там под гаєм зелененьким      Што он мене вірно любить,  
Брало дівча, брало дівча      А я його.

Лен дробненький.      Котилися дві колеса  
Не так брало, як стеливо      На долині стали,  
До Дуная, до Дуная      Любилися штыри очы,  
Говорило.      Але перестали.

Ты Дунаю, ты Дунаю тиха вода      Любилися, кохалися,  
Кому ж я ся сподабаю      Што мати не знала,  
Я молода.      Тепер они розышлися,  
Яко чорна хмара.

Ци панови, ци попови,      Яко чорна хмара.  
Лем мя не дай моя мамцю      Чорны хмары розойдутся,  
Пиякови.      Што дожду не буде,

Дайте мене моя мамцю      Штыри очы розойдутся,  
За такого,      Жаль великий буде.

### Червена Ружа Трояка

Червена ружа трояка (2)      Як я на лодку сідала,  
Мала я мужа —      Білом хусточком,  
Мужа я мала,      Хусточком білом,  
Мала я мужа пияка.      Білом хусточком махала.

Он нич не робит, лем все пье,      Гдеж ты мой милый ночеуц,  
Прийде до дому,      Же мого плачу,  
До дому прийде,      Же плачу мого,  
Прийде до дому мене бье.      Же мого плачу не чуеш.

Не бий мя мужу, не турай,      А я ночую в чужыні,  
Лишу ти діти,      При молоденькой,  
Діти ти лишу,      При хорошенкой  
А сама пойду за Дунай.      При молоденкой дівчыні.

### Ганцьо Моя, Почекай Мня

Ганцьо моя, почекай мня,      Ганицька ся выдала,  
Почекай мня до яри,      Не заждала.  
Най заквитнут фиялы,  
Будеш моя.

Ганичка мя не чекала,      Памятай ты, видят люде,  
Ниж фияла зацвила,      Будеш ты мя жалувати,  
Кажду днину споминати,  
Позно буде!

### Уж-ем Поорал

Уж-ем поорал тото полечко раз, (2)

Миденька вышла, істи вынесла  
И счестя рекла перший раз. (2)

Витай миленька, витай здравенька раз,  
Тяжко-м поорал, легче-м посіял,  
Косити буде легче зас.

Уж-ем покосил и домов звозил раз,  
Карта мі пришла, до войска-м пойшол,  
Мила плакала за мною барз.

Не плач миленька, не плач серденько раз,  
Войско выслужу и домов верну,  
Газдовав буду вера зас.

Я-м домов вернул, женит ся хочу раз,  
Дівчата шварны страшно парадны,  
Жадна мя не хце, вера зас.

Дівчатко шварне, не будь парадне раз,  
Подай рученьку, побесідуйме  
И добре буде дальше зас.

### Я Сой Хлопец Справедливый

Як я пасал коні-волы,  
Попала мя дрімота,  
Пошли мои коні-волы,  
До заградкы, до жыта.

Вышол ку мні на загоны,  
Той заграды господар,  
Што ты робиш ты гультая,  
Коні волы в жыті маш?

Ани я не жаден гультая,  
Ани жаден грубиян,  
Кто бы мні то сміл повісти,  
Зараз бым ся погнівал.

Я сой хлопец справедливый,  
Никто на мя нич не знат,  
Мам я таку фраиречку,  
Што она мя не выдаст.

Кедбы она мя выдала,  
Сама тому причына,  
Бо сама мя закликала,  
До причивка до сіна.

Не до сіна, не до сламы,  
Лем до дробной отавы,  
Будемся любувати,  
От осени до яри.

А я пойшол, бо я мышліл,  
Же будеме шумні спац,  
Она шельма затрачена,  
Не хтіла мні спокой дац.

Закликала она мене,  
До коморы до новой,

Наляла мні погар вина,  
До рученькы до мойой.

А я хлопец справедливый,  
Не хцу тото винко пиц,  
Она шельма зо своей матерю,  
Хотіла мя счарувац.

### В Долині Калина

В долині калина,  
Красно заквитала,  
Не дала-с мні мамусь, (2)  
Кого я кохала. (2)

Дала-с мене мамусь  
За хлопа старого,  
Болит мя голова,  
Болит мя серденько,  
Як вижу младого.

Дала-с мене мамусь,  
За хлопа от ролі,  
Он мя рано будит,  
Мня голова болит.

Як под старым дубом,  
Трава пожолтіє,

Так при старом мужі,  
Жена постаріє.

Под молодым дубом,  
Трава зеленіцька,  
Так при добром мужі,  
Жена молодіцька.

Тота наша любов,  
Зышла нам на марност,  
Забыл я повісти,  
Дівчатку добраночь.

Добра ночка добра,  
Дівчыно надобна,  
И тобі день білий,  
Мой Яничьку милый.

### Мала Я Фраира

Мала я фраира коминяря,  
Пошол ся купати до Дуная,  
Не знал он плавати, мусіл ся заляти,  
Уж го немам.

Мала я фраира годинаря  
Што робил години про цесаря,  
Цесар войну выдал, фраира мні забрал,  
Уж го немам.

Мала я фраира ковалика,  
Што робил подковы для коника,  
Як зачал ковати, а коник копати,  
Уж го немам.

Мала я фраира и Яничка,  
Та ходил он спати до сусічка,  
Мышы ся дознали, фраира мні з'їли,  
Уж не мам нич.

Мала я фраира фуяроша,  
Што робил фуяркы до Вароша,  
На фуярі дуду, дуду-ду-ду-ду-ду,  
Малам я фраиров, уж не буду.

#### Набыта Біда

Бідум собі купила,  
Тай за свои грошы,  
Кажут біду любити,  
Біда не хороший.

Хоц ей буду мести,  
Не буду смітя нести,  
Куп ты мужу возочок,  
Будем смітя везти.

И кривый и сліпый,  
Ищы и горбатый,  
Як ся зачне трепотати,  
Треба з хыжы втікати.

Куп ты мужу возочок,  
И сиву кобылу,  
Вывеземе фуру смітя,  
На попову ниву!

За што ты мня мужу бьеш,  
За якы учынкы?  
Циж я тобі не напяла,  
През рок два пряденка?

Бо попова нива,  
Сім літ не родила,  
Як вывезли фуру смітя,  
Пшениця зродила.

Не сама я пряла,  
Пряли помочницы,  
То за муку, то за соль,  
То за паленицы.

II  
Ани я, ани ты,  
Не маме мы работы,  
Купме собі возочок,  
Будем возити пісочок.

А циж я сой не газдыня,  
Цим не господыня?  
Три дним хыжу не мела,  
Смітя по коліна.

По садім ходила,  
Цибулюм садила,  
Цибуль, цибуль, цибулю,  
Я ся к тобі притулю.

#### Был Я В Коршмі

Был я в коршмі,  
В той велькой, не малой,  
Пил я пивко, (2)  
Курил сой цигары раз.

Был я в коршмі,  
В той велькой, не малой,  
И там ся мні,  
Дві дівкы надали раз.

Єдна з села,  
А друга зо млина,

Єдна Ганця,  
А друга Марина раз.

Як я зачал,  
З Марином жартувац,  
Почал на мня,  
Отец-мать пыскувац раз.

Волю я той  
Марисі дарувац,  
Як ма на мня  
Отец-мать пыскувац раз.

#### Чыєж То Полечко

Чыєж то полечко не оране, (2)

Ой мого милого понехане,

Оране, оране але мало,

Бо ся мні колечко поламало,

Колечко зламало, ручка впала,

Чогож ты дівчыно так зовяла,

Бо мні ся чорны очы сподабали,

Румяны дволичка — чорны очка.

Ты моя миленька не фрасуйся,

Як верну з военкы, ожөнюся.

Ишол я з военкы коло воды,

Там моя миленька мыла ногы.

Ты моя миленька, гдес ходила,

Жес собі ножечкы забрудила.

Ходилам смотрити, ци не идеш,

Любил ты мня любил, уж не будеш.

#### Моя Мила, Где Ты Была Вчера

Там за селом, дражка высыпана,

Ходит по ней мила заплакана,

Ходит-ходит, ручки заламуе, (2)

Же ей милый дома не ночуе. (2)

Моя мила, где ты была вчера,  
А ходил я там, не было тя дома?

Ой пасла я, прийду на юпавы,  
Где не было за сім рочков травы.

Моя мила, где ты была вчера,  
А был я там, не было тя дома?

Ой пасла, прийду на ютачки,  
Где не было за сім рочков млачкы.

Моя мила, где ты была вчера,  
А был я там, не было тя дома?

Ой пасла я, прийду на югуси,  
Кто мя любить, тот мя взяти мусит.

#### Чогож Мене Головонька Болит

Чогож мене головонька болит,  
Бо мой милый за другыма ходит.  
Гей-я-гей.

До полночы за другыма ходит,  
По полночы до дому приходит.

Як на мою постельку лягае,  
Та на мою матероньку лае.

Най там лае, най же она знае,  
Чогож мене за гультая дае.

За гультая, вельку пиячынку,  
Взял он красу з мойого личенька.

А я його всі поступкы знаю,  
Як он пьяный, я окном втікаю.

Не так окном, яко кватероньком,  
Не лем сама, але з дітиноньком.

Гдеж ты дівче до школы ходила,  
Жес ся того розума навчыла.

В чыстом поли, береза стояла,  
Там я тобі вірно присягала.

#### Пропала Надія

Пропала надія — зрадлилося серце,  
Заплакали очы мои  
Любил я дівчыну и то ся минуло, (2)  
Тяженько на сердци моим. (2)

Жебы она знала мою любов щыру,  
Вірно бы любила мене  
Любила бы мене, як мати дітину,  
И сердце бы дала своє.

Любила бы она любила бы мене,  
Колиж не пуцают до ней,  
Бо она богата, а я сиротина,  
Не хотят мні дати ей.

Ой пойду я пойду, ищы раз спытати,  
Ци вернут дівчыну мою  
Кобы лем узріти, як птичку в повітря,  
Дівчыну голубку мою.

Вернися дівчыно, вернися голубко,  
Най сердце не болит мене,  
В любви пожыеме, горе пребудеме,  
Дівчыно — голубко моя.

#### Гей Там У Воды

Гей там у воды — Возми хусточку,  
Хлопчына младый, Обвий ножечкы,  
Встанже-встанже, младе дівча Як мні пан-бог допоможе,  
Дай коням воды. Куплю чоботкы.  
Тра-ля-ля встанже, встанже (2 Тра-ля-ля и т. д.  
Младе дівча, дай коням воды.

Не могу я встать, Не купиуй ты мні,  
Коням воды дать, Куп ты сам собі,  
Зимна роса, а я боса, Мам я няня, мам я маму,  
Трудно вытримать. Куплят они мні.  
Тра-ля-ля—зимна роса и т.д. Тра-ля-ля и т. д.

## I

**Откаль Солнечко Виходило**

Откаль солнечко виходило, (2)  
 Там дівча яблонь садило. (2)  
 Росни яблонко високо,  
 Гей, а по при землі шыроко.

Урод яблочко червене,  
 Як мое личко румяне.  
 Урод яблочко, або дві,  
 Едно миленкому, друге мні.

Бо я мам дары послати.  
 Ой кому ся маю достати.  
 Як ся достану старому,  
 Тяжко буде сердцю мойому.

Бо як старый иде до поля,  
 А по за ним росне коколя.  
 А кед ся достану младому,  
 Лекше буде седцю мойому.  
 Бо як младый пойде до поля,  
 Та за ним виросне тополя.  
 А на той тополі листочки,  
 То мого милого хусточки.

## II

**Гей А Там Долов На Полю**

Гей а там долов на полю, (2)  
 Иде Янчик на войну. (2)  
 Ой иде он иде плачучы,  
 Же он на военку не сущий.  
 Ой врац ся Янчик, врац ся врац,  
 Та за тебе пойде старший брат.  
 А уж я ся не врацим,  
 Хоц ти за хусточки заплацим.  
 Едну-м ти дала білюцьку,  
 Як ты мене стискал за ручку.  
 Другу-м ти дала червену,  
 Як ты мене просил за жену.

Трету-м ти дала з квітками, [ми,  
 Як ты по мя пришол з дружба-  
 Четверту-м ти дала з лелійом,  
 Про бога тя прошу врац мі ей.  
 А уж я ти ей не врацим,  
 Хоц ти за ню таляр заплацим.

## III

Пошли рыбаке на рыбы, (2)  
 Аж до глубокой долины. (2)  
 Нашли они там пахоля,  
 Красне овите соколя.

А еден каже взяти го,  
 А другий гварит, лишме го.  
 А третий на то нич не дбал,  
 Лём до рихтаря знати дал.  
 Скоро на бубен вдарили,  
 Жебы ся дівочки сходили.  
 Вшиткы дівочки в віночку,  
 Рихтарова Ганця в чепечку.

## I

**Газдовский Хлопец**

Я сой хлопец газдовский,  
 Мам я калап  
 Червена ружа (2).  
 Дробна фиалка —  
 Пряшевский.  
 За калапом три перка,  
 Што мні их дала,  
 Червена ружа (2).  
 Дробна фиалка —  
 Фраирка.  
 А я свою Парасю,  
 До Пряшова,  
 Червена ружа (2).  
 Дробна фиалка —  
 Отвезу.

Як там буде дорого,  
 Продам я тя,  
 Червена ружа (2).  
 Дробна фиалка —  
 Небого.

А кед буде за туньо,  
 Иди домов,  
 Червена ружа (2).  
 Дробна фиалка —  
 Газдыньо.

## II

Там на горі Сигота,  
 Пасло дівча —  
 Червена ружа (2)  
 Дробна фиалка —  
 Ягнята.

Копало сой коріня,  
 С под сивого —  
 Червена ружа (2)  
 Дробна фиалка —  
 Каменя.

Варило го в молоці,  
 Жебы пришли —  
 Червена ружа (2)  
 Дробна фиалка —  
 Молодцы.

Ищы корень не скупіл,  
 Уж паробок —  
 Червена ружа (2)  
 Дробна фиалка —  
 Прилетіл.

А чогос ты прилетіл,  
 Коль ты мене —  
 Червена ружа (2)  
 Дробна фиалка —  
 Не хотіл?

Штож тебе ту принесло,  
 Ци помело —  
 Червена ружа (2)  
 Дробна фиалка —  
 Ци весло?

Принюс мя ту білый конь,  
 Будеш моя —  
 Червена ружа (2)  
 Дробна фиалка —  
 А я твой.

## I

**Як Я Ишол През Тот Ліс**

Як я ишол през тот ліс, (2)  
 През ліс калиновый, (2)  
 Станул я там на камень,  
 Камень мрамуровый.  
 А с под того камня,  
 Водичка выливат,  
 Ой напий ся ей мила,  
 Кед ес справедлива.  
 Я бым ся ей напила,  
 Красу бым стратила.  
 Ой ты быс мене не взял,  
 Ябым ся ганьбила.  
 Ой ганьба бы мні была  
 И мойой мамусі,  
 Гей же мя едну мали  
 За муж не выдали.

## II

Там пониже селечка, (2)  
 Густа вербиночка. (2)  
 А кто ей там насадил?  
 Моя фраеречка.  
 Она ей там садила,  
 Я ей ямки копал,  
 Ой бо я ей передом,  
 За три рочки кохал.

### На Зеленой Дубраві

На зеленой дубраві,  
На широкої долині,  
Гей-гей на широкої долині:  
Пасло дівча два воли,  
На зеленой отаві,  
Гей-гей на зеленой отаві.  
Пришли к нему гайтове,  
Заняли му два воли,  
Гей-гей заняли му два воли.  
Почекайте гайтове,  
Най ся пасут два воли,  
Гей-гей най ся пасут два воли.  
Почекайте годину,  
Най выпасут долину,  
Гей-гей най выпасут долину.  
Почекайте до часу,  
Най ся воли напасут,  
Гей-гей най ся воли напасут.

### II

### За Ярчком За Водом

За ярчком, за водом,  
Стоит дівча з подобом,  
Гей-гей стоит дівча з подобом.  
Жебы мні го хтіли дац,  
Знал бы я го шанувац,  
Гей-гей знал бы я го шанувац.

### Под Облачком Явор Посажений

Под облачком явор посажений,  
Співат на нем пташок премилений,  
Слухай мида, як тот пташок співат, (2)  
Же з любови нич добре не быват. (2)  
Серед седа заквітнула грушка,  
Ходит на ню рихтарьова Зуска,

Любувал бым, шанувал,  
Хусткы бым му купувал,  
Ге-гей и т. д.  
Хусткы бым му купувал,  
Личка, ручкы цілувал,  
Ге-гей и т. д.  
Пришол к нему младенец,  
Дівче-дівче дай венец,  
Ге-гей и т. д.  
Не дам я ти свой венец,  
Бо ты не мой младенец,  
Ге-гей и т. д.

По чем жес мня познала,  
Жес мня красно назвала,  
Ге-гей и т. д.

Позналам тя по роді,  
По чортовском поході,  
Ге-гей и т. д.

Як го порвал, так го нес,  
Понад горы, понад лес,  
Ге-гей и т. д.

Як летіли понад лес,  
Боже-боже як ту зле,  
Ге-гей и т. д.

А як пришли над пекло,  
Боже-боже як тепло,  
Ге-гей и т. д.

Зуска, Зуска пан бог тя покаре,  
Жес зламала на грушці конары.  
Выросла мні черешенка в лесе,  
А ктож мні з ней черешен принесе,  
Ой маю я милого под бочком,  
Принесе мні черешен з торбочком.  
Ой паробци што робте, та робте,  
Лем вы дівкам за вольом не ходте,  
Як будете за вольом ходити,  
Та ся будут барже парадити.

### Я До Леса Не Пойду

Я до леса, я до леса,  
Я до леса не пойду,  
Древко рубац, древко рубац,  
Древко рубац не буду.

Горы нашы, горы нашы,  
Нашы горы Карпаты!  
Никто не зна, никто не зна,  
Кельо Вы в нас вартате!

Древко бы мня, древко бы мня,  
Древко бы мня забило —  
Штож бы мое, штож бы мое.  
Шварне дівча робило.

Не даме Вас, не даме Вас,  
Горы нашы Бескиды —  
Бо Вас дати не казали,  
Нашы діды, прадіды!

### Пред Вашыма Дверми

Пришол бы я до вас каждый вечер,  
Пред вашыма дверми велька мочар,  
Прелож мида дручкы, (2)  
Прейду помалючкы,  
Каждый вечер.

Пришол бы я до вас каждый вечер,  
Жебы сте мні дали, штобы я хтіл,  
Тото дівча шварне,  
Што ма очка чорны,  
То бы я хтіл.

Зродилися теркы за горами,  
Пойдеме мы на них с кошыками,

Будеме таргати,  
Будеме ламати

З конарами.

Чом же ся паробкы не жените,  
Иде Вас на войну два тысьце,  
Будете плакати,  
Мы будем скакати,  
При музице.

### Червене Яблочко В Кишени Мам

Червене яблочко в кишени мам,  
Кто ся мні сподабат, тому го дам.

Гея ра-ра — гея ра-ра

Кто ся мні сподабат, тому го дам.  
Жебыс ты дівчыно розум мала  
Та быс ты воячка не кохала.

Гея ра-ра — гея ра-ра

Та быс ты воячка не кохала.  
Не смот за мною шугай, не будь блазен,  
Не ход за мною Янчик, лем ся ожень,  
Гея ра-ра — гея ра-ра

Не смот за мною Янчик, лем ся ожень.  
Бо ты уж для мене, таяк отец,  
А мні ся сподабал шумный хлопец,  
Гея ра-ра — гея ра-ра

А мні ся сподабал шумный хлопец,

### Кед Мні Пришла Карта Наруковац

Кед мні пришла карта наркуовац,  
Хтіл я свого няня дошиковац, [волю,  
Встань-ты няню з гробу, зроби мні тоту  
Иди за мня служыц, на ту войну.

Кед мні пришла карта наркуовац,  
Стал я музыкантов дошиковац,

Гея вы музыканты, заграйте мні чардаш,  
Най сой вытанцюю свой младый час.

Стали музыканты чардаш грати,  
Стали ся мні з очей слезы ляти,

Не заплаче за мною ни отец, ни мати,  
Лем за мною заплачут три дівчата.

Єдна буде плакац, бом ей любил,

Друга буде плакац, бом ей мал взяц,

А третя заплаче, бо она и мусит,  
Бо она от мене перстень носит.

### Ой Мамцьо-Мамцьо, Мамичко

Ой мамцьо-мамцьо, мамичко,  
Єдну мня мате дівочку,  
Добри вы собі подумайте!  
За кого мене выдате?

Ой мамцьо-мамцьо, мамичко,  
Шумне то мено Яничко,  
Ой шумне-шумне, шумне оно,  
Дайтеж вы мене за него.

Ожень ся Янчик, возми мня,  
Буде з мня добра газдыня,  
Буду ти кашу варила,  
Пирогы маслом мастила.

Оженься Янчик, возми мня,  
Буде з мня добра газдыня  
Постелю я ти перину,  
Ляжеш сой сам в середину.

Зелена Липка и Явор,  
Гдес-ся Яничку забавил,  
Забавил я ся в Тересы,  
При молоденькой Марисі.

## Горіла Сосна Горіла

Горіла сосна горіла, Зелена сосна, ядловец,  
Под ней мой мила сідила. Ліпший кавалер, як вдовец,  
Искоркы на ню падали (2) Бо вдовец бие-катуе,  
Паробкы за ньом плакали. (2) Паробок стискат цілуе.

А вы паробкы не плачте, Гей хлопец я сой хлопчына,  
Зелену сосну загасте, Не мам я мамы ни няня,  
В решеті воду носили, Лем тоту одну дівчыну,  
Зелену сосну гасили. Котру я вірно люблю.

## Заградка

Ой пойду я до заградкы з мотыком,  
Выкопам сой розмарию велику,  
Посажу ей под облаком при плоті,  
Кади идут шумны хлопці з роботы.

Буду я си розмарию подливать,  
Буде ся мні розмария розвивать,  
На червено и на синьо, на біло,  
Бо ей мое шварне дівча садило.

А кто зорве з розмарин на перко,  
Мушу быти того хлопця фраирком,  
Хоц быс мене моя мамусь забила,  
То я буду того хлопця любила.

## Бил Мене Муж

Бил мене муж, Умыла-м личенько,  
Три разы уж. Тай снідам уж.

Бил мене киянком, З'їла-м вола,  
Смарувал ватляркою, И качура,  
Будь добра уж. Сімдесят поросят,

А я все зла, И четверо гусят,  
Спати-м легла, И штыри качечкы,  
Встала я раненько, Ищы-м голодна.

## Дрим Бабо Дрим

Дрим бабо дрим!  
За пецом млин,  
А в пецу мельниця, (2)  
Меле ся пшениця, (2)  
Дрим бабо дрим!  
Дур баба дур!  
На пецу жур,  
Баба ся напила,  
Жур с пеца звалила,  
Дур — баба дур.

## Ой Там За Гором

Ой там за гором,  
И сам не знам за котром,  
Малювали маляре, (2)  
Черевичкы невеличкы,  
Для молодого дівчате.  
Ой Мамусь моя,  
Дайте же мні таляра,  
Черевичкы выкупити,  
От молодого маляря.  
Ой дівочко моя,  
Было літо, не зима,  
Треба было заробити,

## Як Я Ишла Вчера Вечер

Як я ишла вчера вечер з панского,  
Застала мні чорна мара дорогу,  
Иди, иди чорна маро до дому, (2)  
Не заставай на дорозі нікому.

Як я ишла днеска вечер з панського,  
Надыбалам на дорозі милого,  
Так мня стискал и притискал до себе,  
Ци ты пойдеш драга душко за мене.



### Гей, Мам Я Косу

Гей мам я косу, але ньом не кошу,  
Горі селом, долов селом на параду ношу.  
Гей мам я лучку в широкої долині,  
На ней трава и отава, нигда не загине.  
Гей як я буду лучку тоту косил, [носил?  
Ктож мні буде фриштик, обід, так далеко  
Ой вынесе мні, моя млада жена,  
В новом чепци зачеплена, росом орошена.  
Ой жено жено, чом ся не обуєш?  
Зимна роса, а ты боса, здоровя попсуєш.

### За Полянном

За поляном чорна роля, Я ей орал не буду, Сяду собі на свого коника, Тай на войну поїду.	Чекала я мой миленький, Чекала я на тебе, [неш, Же як ты ся з военкы повер- Та я пойду за тебе.
---	--

Я на войну, з войны домов, А ты ся не выдала, Повіч же мні моя наймиленша, На кого ты чекала?	Тот перстеник, штос мні дала, Я го носив не буду, [ку. Шмарю я го на быстру водич- Зас на войну поїду.
--	---

Ту хусточку, штос мні дала,  
Я ей за онучу мам,  
Жебы собі шельмо не думала,  
Што я тебе в сердци мам.

### Преночуй Мня Преночуй

Преночуй мня преночуй, Бо мня дожджык премочыл, Премочыл мня в сашыні, (2) При молодой дівчыні. (2)	Не буду тя ночував, Быс мні дашто зопсувал, На мой душу не рушу, Як покажеш, та мушу.
--	--

А паничка встыдлива,  
За паничом ходила,  
Не повідай нікому,  
Же-м ходила к дакому.

### Гори Шаришом

Гори Шаришом  
Долов Шаришом  
Три липкы  
Якы шыковны  
Лемковскы хлопцы  
До биткы.

Коли ся били,  
В субботу вечер  
До рана  
Там моя мила,  
Голубка сива,  
Плакала.

Не бийся Янчик,  
Не бийся милый,  
Не бийся  
На той погар вина,  
На той погар пива  
Напийся.

Не хцу я вина  
И не хцу пива  
Горке ест,  
Про тебе мила,  
Про тебе шельмо  
Битка ест.

### На Зеленой Убочы

На зеленой убочы,  
Дівча леник мочыт, (2)  
Шугай ся му призерат,  
Ци ма чорны очы. (2)

Жебы такы оченька,  
В крамі продавали,  
Та бы собі дівчата,  
Хлопцям купували.

А и я бым купила,  
Свому фраерови,  
Жебы ся му чорніли,  
Яко гавранови.

Ищы бым му купила,  
Цижмы з острогами,  
Жебы собі почеркав,  
Меже паробками.

Ищы бым му купила,  
Перко з розмарии,  
Жебы я го познала,  
В цілой компанії.

Ищы бым му купила,  
Перстеник на палец,  
Жебы ся му блискотав,  
Як поїде на танец.

Ищы бым му купила,  
Едвабну хусточку,  
Жебы собі памятал,  
Же мал фраерочку.

## Ой Верше Мой Верше

I

Ой верше мой верше,  
Мой зеленый верше,  
Уж мні так не буде (2)  
Як мні было перше.

Бо перше мні было,  
Барз мні добри было,  
От своей мамичкы (2)  
Не ходити было.

Не іхати было,  
В чужую краину,  
Не лишати было (2),  
Родну Лемковину.

Родну лемковину,  
Зелены Карпаты,  
Як собі подумам,  
Мушу заплакати.

II

Бо перше мні было,  
Перешлой осени,  
Носил мні миленький (2),  
Оришкы в кишени.

Оришкы в кишнях,  
Яблочка червены,  
Все мні так повідал (2),  
Же ся буде женил.

А тепер мні планно,  
Превелика біда,  
Бо уж мня выдали (2),  
За старого діда.

Не годен робити,  
Не може любити  
А на ноч му треба, (2)  
Перину загріти.

Такого сивака —  
Шмарити до смітя,  
Добрий до лежана —  
Добрий до дриманя,  
Але не до жытя.

III

Яничку златовлас,  
Чом не ходиш до нас,  
Ци ся мамы боиш (2),  
Ци о мня не стоиш.  
Мамы ся не бою,  
И о тебе стою,  
Лем ся преокрутні (2),  
Злых языков бою.  
Бо тоты языки,  
Горшы нежли мечы,

Порубле, посече (2),  
А кров не потече.  
Тогды мой миленький,  
Тогды буду твоя,  
Як на нашом столі (2),  
Выросне тополя.  
Тополя выросне,  
Маеран заквитне,  
Тогды мое сердце (2),  
До твого прилипне.

## В Горах Карпатах

I

Горы наши милы,  
Горы наши славны,  
Где вы ся поділи  
Мои часы давны?

Як воды до моря  
С наших гор поплыли,  
Так ся мои часы  
Скоренько минули.

Горы положисты,  
Поляны зелены,  
Выглядате, як бы  
Плюшом выстелены.

Добре ся на горах  
Поляночки косят,  
Кед ладны дівчатка  
Добре істи носят.

Заросли мі травом  
Уж давны стежечкы,  
Кади я преганял  
С мом милом увечкы.

Тепер уж не зайду  
Ку тому бучкови,  
Где ем косу клепап  
Свому сыночкови.

II

Кед собі заспівам,  
Трома голосами,  
Еден поїде верхом (2),  
А два долинами.

Кед собі заспівам,  
Далеко мня чути,  
Под же мой миленький  
Волю навернути.

Волю навернула,  
Сама собі сіла,  
Под же мой миленький,  
Штос бым ти повіла.

Я бым ти повіла,  
Таку новиноньку,  
Жебыс сой, поглядал  
Другу дівчиноньку.

Жебыс сой поглядал,  
Бо я уж сой нашла,  
Уж я тя не буду  
Своим оком пасла.



Як я сой заспівам,  
Красно премилено,  
Аж ся мні розвуют,  
Под бучком корені.

Як я сой заспівам,  
По под яворикы,  
Почує мя милый (2),  
Аж до Америки.

## II

Як он мя почує,  
Та он сой так рече,  
Якеж — то дівчатко,  
По горах щебече.

Дівчатко щебече,  
На милого кричыл,  
Верни ся миленький,  
Верни з Америки.

## III

### На Высокой Горі

На высокої горі  
Квіток лелійовый  
Зорвий го — дівчино (2)  
Дай го фраирови.

Хоцбым го зорвала  
Комуж бым го дала  
Ищым того рочку  
Фраира не мала.

Ой боюся — бою  
Аж ся з того трясу  
Же ся не оженю  
Бо коровы пасу.

Не бойся сыночку  
Тай ани ся не тряс  
Бо я ся оженил  
Хоц ем коров не пас.

Не выберай Янчик  
У корчмі на танці  
Лем ты собі выбер  
В роботі на сонці.

Бо в корчмі на танці  
Кулява подскочыл  
В роботі на сонці  
Лем ногы волочыл.

Шугаю, шугаю,  
Выбер собі с краю,  
Малюваны волы (2)  
Не рады тягают.

Малюваны волкы,  
Та лем до стодолкы,  
Малюваны дівкы  
Нич лем до постілки.

## IV

Ты моя родино,  
Родна Лемковино,,  
Не мож ся втримати,  
Штоб тя не любити.

Кед Лемко сой співат,  
То ся гай розвиват,  
Крячына и листя,  
Бучкы и ялиці!

Вы лемковскы горы,  
Прекрасны долины,  
Бо в вас ся нам родят  
Солодкы малины!

В тых лемковскых горах,  
Ружне квітя квітне,  
Не одной дівчыні,  
До сердца прилипне!

Не зато сой співам,  
Штобым роскошувал,  
Але зато співам,  
Штобым сой жаль прервал.

Загучали горы,  
Зашуміли лісы,  
Гдеся поподіли,  
Мои млади часы?

Шкода милый шкода,  
Ліса зеленого,  
Же в нем не чувати,  
Пташка веселого.

Пташка веселого,  
Ани ниякого,  
Шкода мила шкода  
Ліса зеленого,

Штыри волы в ярмі  
Моя мила дай мні  
Солодкой гамбусі (2)  
Не повіч мамусі.

Любте же ся любте,  
Лем ся не погубте,  
Бо Вы млади люде,  
Та вам горе буде.

Пойшли они пойшли,  
Аж по чужом світі,  
А я остал смутный,  
Як тот пташок в кліткі.

Младост моя мила,  
Скоро ся минула,  
Як тота рокыта,  
Што в ярі квітнула.

Младост моя младост,  
Вышла мні на марност,  
Мои млади літа  
Не ужыли світа.

Весело младому,  
В світі прожывати,  
Старому — смутному,  
Лем в гроб зазерати.

## V

Шуміла ліщына,  
Шуміл зелений гай,  
Заплакало дівча,  
Заплакал и шугай.

Дівча заплакало,  
Же ся не выдало,  
А шугай заплакал,  
Же дівчатко не взял.

## VI

Як ем ся сповідал,  
Так мні ксьондз повідал,  
“Як не маш дівчатка (2)  
Жебыс сой поглядал.”

Дівчатко, дівчатко,  
Повіч мні на разі,  
Най мои коникы (2)  
Не стоят на дразі.

Бо мои коники,  
Дуже мя коштують,  
Ани одной ночкы (2)  
Дома не ночують.

Выше села дражка,  
Ниже села путь — путь  
Подже мой миленкий  
Палюночки куп — куп.

Купил мні миленкий  
За гроша паленкы  
До рочка банувал,  
Же дуже скельтувал.

## VII

Не смут ся дівчыно,  
Бо я ся не смучу,  
Коли всі обыйду (2)  
До тебе прилечу.

Науч дівча, науч,  
Коня воду бродиц,  
Буду до Тя буду (2)  
Каждый вечер ходиц.

Я бым научыла,  
Коня воду бродиц,  
Але ты не схочеш (2)  
Каждый вечер ходиц.

## VIII

Гукала бым собі  
Под зеленым гайом,  
Где ем ся споткала  
С молодым шугайом.

Где тота увечка,  
Што перед водила?  
Пошла до убочи  
Скала ю забила.

С тамтой страны вільшин  
Иде мой наймильший,  
Несе мі на горсет,  
Што квіток, та инший.

В том лісі зеленом  
Роснут там ягоди,  
Ходят на них часто  
Дівчата молоды.

## IX

Чом ваше оkenко,  
Красно малюване?  
Бо в него миленкий, (2)  
Хоцколи загляне.

Чом ваша заградка  
Окописта квітя?  
Бо то для дівчатка  
Віночки вывити.

Певно ты дівчатко,  
Добрі ся не чуеш,  
Коли своє личко  
Фарбами малюеш.

Николи бы я Вас,  
Не любил дівчата,  
Як бы Вы не мали  
Чорны оченята.

Добрі ся не чую,  
Ни ся не малюю,  
Лем пью с зілем воду,  
Та ся румянію!

Та чоґож орати,  
Чоґож боронити,  
Чоґо же дівчатко  
До слюбу змушати.

Чом же ты дівчатко,  
Таке не веселе?  
Бо и млин на муку,  
Без воды не меле.

Ани ся мі не хваль,  
Ни ся не преказуй,  
Ни ся мні на очы  
Веце не показуй.

Ани ся не смучу,  
Ни ся не веселю,  
Лем ся так прохожу  
Помеж ліс по полю.

Чом твое серденько,  
Для мене студене?  
Таке саме твое,  
Фальшыве для мене!

Горы мои горы,  
Зелены дубравы,  
Якы в наших дівчат,  
Премилены бровы!

А в наших Карпатах,  
Прекрасны дівчата,  
Хлопці их не любят,  
Бо дуже завзяты!

## X

Кебы то я мала шугая-югаса,  
Бы ся мні здавало, же я уж найкрасша.  
Кебы то я мала шугая-Яничка,  
Бы ся мні здавало, же я урядничка.

Вершком, милый вершком, а я пойду крайом,  
Та мы ся зойдеме, под зеленым гайом.

Вершком, мила вершком, а я пойду стежком,  
Та мы ся зойдеме, под зеленым вершком.

XI

Не Пойду До Леса

Не пойду до леса з кониками, Не пойду до леса без сокиры,  
 Бо бы мня гайтове полапали, Бо бым не нарубал яворины,  
 Лем пойду на лучкы, (2) Я нарубам на фуру, (2)  
 Возму дівча на ручкы, Моя мила на другу  
 Буду го колысал , Яворины — яворины.  
 По малюцькы.

XII

Мам Я Жену Молоду

Мам я жену молоду, Ой ты старый шаленый,  
 Не пуцу ей на воду, Міняймеся на жены,  
 Могла бы ся втопити, Дам ти стару за младу,  
 Мусіл бым ся женити. И капусты заграду.  
 Ой ты старый сиваку, А уж я ся оженил,  
 Вывед коня на млаку, Та уж буду свою мал,  
 Там ест трава и вода, Ой уж я Вас дівчата,  
 И дівчына молода. Та не буду любувал.

А уж я ся оженил,  
 Уж мня няньо одділил,  
 Дал мні кожух с вошами,  
 Жебым рушал плечами.

XIII

Гей Кий Мні Параль

Гей кий мні параль, А третій ходит,  
 По трох ковалях на зиму, Помеже возы, крутятся,  
 Єден лем кує, Ци бы не украл  
 Другий любує газдыню. Кавал желіза, боится.

Ци бы не украл,  
 Кавал желіза на клинці,

Жебы оковал  
 Червены цижмы, фраирці.

XIV

А про мою фраєречку, Добры люде, што робите,  
 Зламали мні праву ручку. Вірну любов погубите.  
 Праву ручку мні зламали, Праву ручку мні направте,  
 Фраєречку отобрали. Фраєречку мні оставте.

Тече Вода З Явора

Тече вода з явора, Выйд Ганичко, выйд на двор,  
 До Ганичкы, до двора Маш фраєров повный двор.  
 Хлопцы по ней плавають, Штож мні с тамтых на дворі,  
 На Ганичку моргают. Мам красшого в коморі.

В Зеленом Гаю

В зеленом гаю, В пятницу зваряй,  
 Древко рубают, В субботу выпер,  
 Аж до Дунаю, А в неділю рано,  
 Трискы падают. Милого прибер.  
 Падают велькы, В неділю рано,  
 Падают малы, Як солнце всходит,  
 Ид их позберай, Уж мой миленкий,  
 Дівчатко шварне. Под перком ходит.  
 Ид их позберай, Не так под перком,  
 Наклад з них огня, Як под трусовым,  
 Выпер милому, Под капелюхом,  
 Кошелю до дня. Под калиновым.

Танец Мариянкы

За горами, за лесами, Пришли по ню, отец и мать,  
 Танцувала Мариянка, (2) Мариянко шумна дівко,  
 З гусарями. Под домов спать.  
 Танцувала и співала, Не пойду я, идте сами,  
 Чогож я ся милый боже, Бо я буду танцувала,  
 Дочекала. З гусарями.

Бо гусаре, шумны хлопцы,      От полночы, аж до рана,  
Буду з нима танцувала,      Зареклася Мариянка  
До полночы.      Танцуваня.

I

Свитай боже свитай,      Дівчатко лелия,  
Жебы скоро день был,      Легай там где и я,  
Жебы я увиділ,      Легай на лавочку,  
В котром домі я был.      По при моим бочку.

Ци в том деревяном,      Як бым я легала,  
Ци в том муруваном,      По при твоим бочку,  
Ци в том на бережку,      Не ходила бым я,  
Где мам фраеречку.      В зеленом віночку.

II

Не ход до нас не ход,      Не ход до нас не ход,  
Янку кучерявий,      Ани ся не волоч,  
Буде до нас ходил,      Поза нашу хыжу,  
Шугай малюваный.      Травичку не толоч.

III

Миленька, миленька,      Не дате мня за двох,  
Выбю ти окенка,      А лем за одного,  
А выбю ти обі,      Ой мамичко мамусь,  
А сам прийду к тобі.      Кобы за шумного.

Трепле ся мні очко,      Ой мамичко, мамко,  
За тобом рыбочко,      Красне мено Янко,  
Треплют ся мні обі,      Красне мено его,  
Пойшли бы ку тобі.      Дайте мня за него.

Ой мамичко мамцьо,      Здаме мы ся здаме,  
Лем одну мня мате,      Обидвое здаме,  
Та сой подумайте,      Бо мы обидвое,  
За кого мня дате!      Чорны очы маме.

На едно ся здаме,  
Чорны очы маме,  
На друге ся здаме,  
Жадно нич не маме.

IV

Шугайова мати,  
Така як шалена,  
Преказуе до мня,  
Же я не червена.

А я не червена,  
Бо ся не малюю,  
Бо ся за твоего  
Сына не рыхтую.

Шугайова мати,  
До мня отказуе,  
Же ей шугаичок,  
Дома не ночуе.

Шугайова мати,  
До мня не отказуй,  
Лем сой свого сынка  
На ретязку вязуй.

V

Моя фраеречка,  
Велика циганка,  
Казала мні прити,  
Сама двери замкла.

Мотузком поднерла,  
Кийом завязала,  
Так ся моя мила  
Пред мною замыкала.

VI

Співаночки мои,  
Гдеж я вас подію,  
Пойду до лісочка,  
Там я вас посию.

А будут там хлопці,  
На траву ходити,  
Співаночки мои,  
Будут находити.

Як я з Устя пойду,  
Штож я вам откажу,  
Там пониже села,  
Заградку засажу.

Кто коло ней преїде,  
Вспоминати буде,  
Шкода боже того,  
Што заградка його.

Заградка не моя,  
Бом ей не градила,  
Але зіля мое,  
Бо я го садила.

Не рубай, не стинай,  
Най ся зеленіе,  
Не ход ку дівчату,  
Най ся червеніе.

Ищы-ем не рубал,  
Уж триски падають,  
Ищым не любувал,  
Уж мня огваряют.

## Лем — Коломийка

1

Ты любима Лемковино,  
Мой родимый краю,  
Мам я в тобі красне дівча,  
Як жые не знаю.

Не мож отталь ей видіти,  
Ни бесіды чути,  
И не може сердце мое,  
Миленькой забыти.

Жые оно меж горами,  
В маленькой хатині,  
В низкой, курной, деревняной,  
При своей родині.

Бо то дівча миле, любе,  
Як перепеличка,  
Білы личка, чорны очка,  
Сама невеличка.

2

Ой пойду я в полонины,  
Там где жыют бойкы,  
Там музыка дробно грае (2)  
Скачут по легонькы.

Ой ты лемку, ой ты лемку,  
Ты поганьска віра,  
Твоя жена в середоньку  
Солонину іла.

Ой пойду я меже горы,  
Там где жыют Лемкы,  
Там не мают чым світити,  
Лем сідят в потемкы.

А ты бойку, ой ты бойку,  
Твоя ищы горша,  
Твоя іла и в пятницу,  
А пятница больша.

3

Ой вышненькы, черешенькы,  
Чом вы так дробненькы,  
Чогож мы ся полюбили,  
Такы молоденькы.

Ой як мы ся любували,  
Сухы дубы цвили,  
Коли мы ся понехали  
Зелены зовяли.

4

### Там на Горі На Горбочку

Там на горі на горбочку,  
Молотили хлопці гречку,  
Ани гречкы ни половы (2)  
Лем дівчата — чорнобровы.

Добри тому кто ма жену,  
Не подперат людску сцену,  
Я ей не мам на мой веру (2)  
Бо мні вмерла на холеру.

Добри тому пан-біг дае,  
Што на горі кошар мае,  
А под гором колибочку (2)  
Серед села фраеречку.

Добри тому коса косит,  
Кому мила істи носит,  
Не шкодит му горбок — яма,  
Хоц и коса не клепана.

5

Ой дівча, дівча,  
С дробного роду,  
Выйд-же ты ку мні (2)  
На загороду.

Будеш ты мати,  
Хлопцям давати,  
Будут тя хлопці (2)  
Радо кохати.

Дам я ти яблоч,  
Дам я ти грушок,  
Будеш ты мати (2)  
Полный фартушок.

Залицяв ем ся  
Под Горлицями,  
Бо там мні дівчатко (2)  
Приобіцяли.

С панского роду,  
Дробного ходу,  
Не знала робити (2)  
Вмерла з голоду.

6

### Тпруци Тпруци Телята

Тпруци, тпруци телята,  
Где идете дівчата,  
Меже горы потоки  
Там ест трава по боки.

Не пойду я на танец,  
Ей бо мня болит палец,  
Треба палец завити,  
А на танец ходити.

Який-такий шубравец  
Бере мене на танец,  
Под же дівче-под же под,  
Як выросну буду хлоп.

Ой ты Янчик, чый же ты,  
Под же зо мною гуляти,  
Не звідуйся чья я,  
Будеш гуляв, буду я.

### Я Сой Циган

Я сой циган,  
Што нич не мам,  
А лем тоту циганочку, (2)  
Што з ньом легам.

Воз заскрипіл,  
Пес забрехал,  
А до мойой циганочки  
Сват приіхал.

Я сой циган,  
Што вандрую,  
А як иду гори селом  
Подскакую.

Бо цигане,  
Добры люде,  
Вывовали циганочку  
В чорной буді.

Я сой циган,  
Чорны лица,  
Любит мене циганочка  
Красавиця.

Мы цигане,  
Нич не маме,  
Лем гушелькы смерековы,  
Тай все граме.


## Біда Польку Покусила

Біда польку покусила,                    Руснак каже борщ варити,  
Полька пошла за русина,                Пані хоче каву пити.  
Руснак каже рано встати,                Хтіла пані роскош мати,  
Пані хоче долго спати.                    Так мусіла бідувати.

## Танцювала Ріпа з Маком

Танцювала ріпа з маком,                    З пастырнаком,  
Ріпа з маком,                                    Цибуля ся дивувала, (2)  
А петрушка з пастырнаком,                Такий танец не видала.

Не Ход Янку През Полянку  
Не ход Янку през полянку,  
Бо тя забють про коханку.  
Не забють не боюся, (2)  
Мам шабличку vyrублюся. (2)



## ЗМІСТ СПІВАНОК

	Сторона.	Сторона.
А ци ты дівчыно .....	6	Кедбы то я мала IV ... 55
А там коло річки .....	24	Кед мні пришла карта .. 44
А там долов в той .....	25	Лемколомийкы ... 60—61
А пойду я до заградкы ..	46	Мам я жену молоду .... 56
А там долов под явор ..	29	Моя мила, где ты .... 37
Братя Лемкы .....	3	Мам я красну заград ... 26
Было не рубати .....	6	Мамусь-мамцьо .....
Бідум собі купила .....	36	Малам я фраира .....
Был я в коршмі .....	37	На високой горі I. ... .. 52
Бил мене муж .....	46	Не пойду до леса .....
Біда польку покусила ..	62	Не ход Янку .....
В долині калина .....	35	На зеленой дубраві I. ... 42
Высокий брежек .....	31	Несчастлива любов ... .. 29
Высокий мосточок .....	32	На зеленой убочы .....
Весільны співанкы ... 11—	17	Недалеко млина .....
В зеленом гаю .....	57	Никто мні не винен .... 9
Гаєм зелененьким вода ...	27	Ой верше мой верше ... 49
Горі Шаришом .....	49	Откаль сонечко .....
Гей кый мні параль ... ..	56	Ой там за гором I. .... 47
Горіла сосна горіла ... ..	46	Ой под гаєм .....
Гей там у воды .....	39	Ой отталъ гора .....
Гей мам я косу .....	48	Ой погнало дівчатонько .. 23
Гей а там долов .....	40	Ой мы-яко мы .....
Грают бубнуют .....	20	Ой мамцьо-мамцьо, ... .. 45
Ганцьо моя почекай ... ..	33	Пойдеме мы на ловы ... .. 5
Гора-гора горувата .....	9	Преночуй мя преночуй .. 48
Днеска гоя — заран гоя ...	17	През зелене жытко .....
Дрим бабо дрим .....	47	Пропала надія .....
За ярчком, за водом ... ..	42	Пошли рыбаре на рыбы .. 40
За поляном чорна роля ..	48	Под облачком явор .....
За горами за лісами ... ..	3	Пред вашыма дверми ... .. 43
Заграйте мні гуслі ... ..	4	Рубал ем чатину .....
Из середы на четвер II. ...	47	Сама я ружу садила .....